

欽定四庫全書

子部

證治準繩卷七十



北京中医药大学图书馆版权所有

欽定四庫全書

證治準繩

和劑

大補

產後

醫寶

產後

產後

明 王肯堂 撰

而作大法宜柴胡四物
者生熟飲子 薛產後

瘧疾因脾胃虛弱飲食停滯或因外邪所感或鬱怒傷脾或暑邪所伏審係飲食用六君加桔梗蒼朮藿香如外邪多而飲食少用藿香正氣散如外邪少而飲食多用人參養胃湯飲食勞役用補中益氣湯氣血虛弱用十全大補加炮薑虛寒用六君加薑桂元氣脫陷急加附子大凡久瘧多屬元氣虛寒蓋氣虛則寒血虛則熱胃虛則惡寒陰火下流則寒熱交作或吐瀉不食腹痛煩渴發熱譫語或手足逆冷寒戰如慄雖見百證當峻

溫補其病自退若誤用清脾截瘧之類多致不起一
產婦患瘧發熱作渴胸膈脹滿遍身作痛三日不食嘔
酸噯氣此是飲食所傷脾胃不能消化用六君加神麴
山查四劑而不作酸乃去神麴山查又數劑而飲食進
其大便不通至三十五日計進飲食七十餘碗腹始悶
令用豬胆汁導而通之其糞且不甚燥一產婦患瘧
久不愈百病蜂起其脈或洪大或微細或弦緊或沉伏
難以名狀用六君加炮薑二十餘劑脈證稍得又用參

朮煎膏佐以歸脾湯百餘劑而瘥 一產婦朝寒暮熱
或不時寒熱久不愈用六君子補中益氣兼服百餘劑
而尋愈

草果飲子 治婦人產後瘧疾寒熱相半者或多熱者

宜此

半夏湯泡赤茯苓 甘草炙草果泡去皮川芎 陳皮

白芷各二錢青皮去白良薑 紫蘇各二錢乾葛四錢

右十一味以咀每服三錢水一大盞薑三片棗二个

同煎至七分去滓當發日侵早連進三服無有不安
生熟飲子 治產後瘧疾多寒者

肉苳蔻 草果仁 厚朴生去粗皮 半夏 陳皮 甘

草 大棗去核 生薑

右八味等分細剉和勻一半生一半用濕綿紙裹煨
令香熟去紙與一半生者和勻每服秤五錢重水二
盞煎至七分食前一服食後一服

補遺產後瘧疾熱多寒少者清脾湯 寒多熱少者養

胃湯 久而不已者七寶飲截之

方並見
雜病瘧

蓐勞

夫產後蓐勞者此由生產日淺血氣虛弱飲食未平復
不滿日月氣血虛羸將養失所而風冷客之風冷搏于
氣血則不能溫于肌膚使人虛乏勞倦乍卧乍起顏色
憔悴食飲不消風冷邪氣而感于肺肺受微寒故咳嗽
口乾遂覺頭昏百節疼痛榮衛受了風邪流注臟腑須
臾頻發時有盜汗寒熱如瘧背膊煩悶四肢不舉沉重

着床此則蓐勞之候也 又曰婦人因產理不順疲極筋力憂勞心慮致令虛羸喘乏寒熱如瘧頭痛自汗肢體倦怠咳嗽痰逆腹中絞刺名曰蓐勞 薛按前證當

扶養正氣為主用六君子湯加當歸若脾肺氣虛而咳嗽口乾用補中益氣加麥門五味若因中氣虛而口乾頭暈用補中益氣加蔓荊子若肝經血虛而肢體作痛用四物參朮若因肝腎虛弱而自汗盜汗寒熱往來者用六味丸加五味子若因脾虛血弱肚腹作痛月經不

調用八珍湯倍加白朮若因脾虛血燥皮膚瘙癢用加
味道遙散大抵此證多因脾胃虛弱飲食減少以致諸
經疲憊而作當補脾胃飲食一進精氣生化諸臟有所
倚賴其病自愈矣仍參虛煩發熱方論主治 汪一婦
產未滿月因怒氣血流如水三日方止隨又勞苦四肢
無力睡而汗出日晡潮熱口乾五心如炙諸醫皆用柴
芩薄荷之類其熱愈熾診其脈弦大無力此蓐勞也以
四物湯一兩入胡黃連秦艽青蒿各半錢數服熱退身

涼後以黃連八珍丸一料而安

石子湯 療產後虛羸喘乏乍寒乍熱如瘧四肢疼痛

面色痿黃名曰蓐勞

豬石子

一雙去脂膜四破

香豉

一方無此有知母

葱白

切

粳米

當歸

芍藥

各二兩

右六味呖咀分兩劑每劑用水三升煮取一小碗去

滓分三服

廣濟無芍藥有人參

增損柴胡湯

見前往來寒熱

豬腰子粥 治蓐勞發熱 用豬腰子一枚去白膜切

作柳葉片以鹽酒拌先用粳米一合入葱椒煮粥鹽
醋和將腰子鋪盪底以熱粥蓋之如作盪生狀空心
溫服

人參鼈甲散 治蓐勞皆由在產內未滿百日體中虛
損血氣尚弱失於將理或勞動作傷致成蓐勞其狀
虛羸乍起乍卧飲食不消時有咳嗽頭目昏痛發歇
無常夜有盜汗寒熱如瘧背膊拘急沉困在床服此

大効

人參 桂心 當歸 桑寄生 白茯苓 白芍

藥 桃仁 麥門冬去心 熟地黄 甘草各半 續斷

二錢半 牛膝七錢半 鼈甲 黃芪各一兩

右十四味為細末每服先以猪腎一對去筋膜以水

兩大盞生薑半分棗三枚煎至一盞去猪腎薑棗然

後入藥末二錢葱白三寸烏梅一箇荊芥五穗煎至

七分去滓空心晚食前溫服此藥神妙

許仁則療產後日淺久坐視聽言語多或運用氣力遂

覺項膊肢節皮肉痛乍寒乍熱此為蓐勞

豬腎

一雙去脂膜四破

當歸

芍藥

生薑

各二兩

葱白

切

桂心

各一兩

右六味水八升煮腎取六升下藥煮取二升分溫二

服

熟地黄散

見前往來寒熱

白茯苓散

治蓐勞緣生產日淺久坐多語運動用力

致頭目四肢疼痛寒熱如瘧狀宜此

白茯苓一兩 當歸 川芎 桂心 白芍藥 黃芪

人參各半兩 熟乾地黄一兩

右八味㕮咀先以水二盞入猪腎一雙去脂膜切薑三片棗三枚煎一盞去三物入藥半兩煎七分去滓食前分溫三服

黃芪丸 見往來寒熱

胡氏牡丹散 治產後虛羸發熱自汗欲變蓐勞或血

氣所搏經候不調或寒熱羸瘦

白芍藥

當歸

五加皮

地骨皮

人參

各半兩

沒藥

桂心

各二錢

牡丹皮

三錢

右八味為細末每服二錢水酒各半盞如不飲酒只

用水一盞開元錢一枚麻油蘸之同煎七分去滓通

口服煎不得攪喫不得吹

黃芪煮散

治產後蓐勞肌膚黃瘦面無顏色或增寒

壯熱四肢痠疼心煩頭痛

鼈甲醋炙 黃芪各一兩 桂心 當歸 桑寄生 白朮

苓 白芍藥 人參 熟地黃 麥門冬去心 甘草

炙各半兩 牛膝七錢半

右十二味為細末每服用猪石子一對去脂膜切破
先以水一盞入薑半分棗三枚煎至七分去石子薑
棗却下藥五錢更煎至四分去滓空心晚食前溫服
二滓併煎

黃芪建中湯 治產後諸虛不足發熱或惡寒腹痛

黃芪炒肉桂

各一兩

白芍藥

炒二兩

甘草

炒七錢

右四味每服五錢薑棗水煎服日二三服虛甚者加

附子

紫河車丸治蓐勞及產後虛弱大効猫犬產兒即食其

胞衣故無產疾

方見虛勞

虛羸

產寶云產後虛羸者皆由產後虧損血氣所致須當慎起居節飲食六淫七情調養百日庶保無疾若中年及